

Makassar - Agape Kittaka - God's Love Letter Scriptures

**Yohanes 15:9 Sangkamma bateNa Manggea angkamaseangA', sangkamma
tomminjo Kukamaseannu. Paralluko tuli attallasa' salaku tau
Kukamaseanga.**

**Yesaya 43:1,2 - Efesus 2:10 Ikatte bate pare'Naki' Jehovata'ala; tete ri Isa
Almasi, Napare' beru maki' Jehovata'ala, sollanna nigaukang apa-apa
bajika, le'baka Napasadiangki' Jehovata'ala.**

**Yeremia 1:5 - Galatia 1:15 Mingka lanri baji' atiNa Jehovata'ala, Napile
memamma' ri wattu tenanapa nakunilassukang. Siagang Nakio'ma' untu'
a'jari palayang mae ri la.**

**Yohanes 15:16 Teai ikau ngaseng ampileA'. Mingka iNakke ampile
ngasengko, siagang assuro ngasengko a'lampa sollannu akkulle a'rappo
jai — natalapanraka anjo rapponnu. Na apa-apa mamo nupala' lalang
arengKu, laNasareko Manggea.**

**3 Yohanes 1:2 appala' doanga' sollannu gassing tamangngapa-apa, siagang
baji'-baji' ngaseng ri kalennu, sangkamma baji'na pa'mai'nu.**

**Yesaya 43:4 - 1 Petrus 2:9,10 Mingka ikaumi bansa le'baka nipile, imang-
imang allayania karaeng, bansa matangkasaka, untu' KalenNa
Jehovata'ala, siagang umma' KalenNa Jehovata'ala. Napileko siagang
Nakiokko Jehovata'ala assulu' battu lalang ri sassanga untu' antama' ri
singara' kalompoanNa, sollanna nupa'la'bang biritta ri sesena sikontu
panggaukang malompoNa. 10 Riolo teaiko umma'Na Jehovata'ala,
mingka kamma-kamma anne umma'Na mako Jehovata'ala. Riolo
tanikamaseangako ri Jehovata'ala; mingka kamma-kamma anne
nutarimami pangngamaseanNa.**

**Yeremia 31:3 - Efesus 1:4 Ri wattu tenanapa nipa'jari anne linoa, le'ba'
memang maki' Napilei Jehovata'ala tete ri Almasi; sollanta akkulle a'jari
umma' matangkasa'Na, tenaya callanna ri dallekanNa. Lanri
pangngamaseanNa Jehovata'ala,**

**2 Timotius 1:9 Napasalamakki' siagang Nakiokki' Jehovata'ala untu' a'jari
umma' KalenNa. Iaji naNagaukang Jehovata'ala anjo kammaya teai lanri
apa-apa le'baka nigaukang nabilang ri kalenta, passangalinna lanri ero'
KalenNa siagang lanri pangngamaseang malammoro'Na tete ri Isa
Almasi, ri wattu tenanapa nanipa'jari anne linoa.**

**Yohanes 3:16 Nasaba' lanri Nakamaseang duduna Jehovata'ala rupataua ri
lino, sa'genna Napassareammo Ana' sitau-tauNa, sollanna inai-nai tappa'
ri la tena nalapanra', passangalinna lanagappai katallassang sitojennaya
siagang mannannunganga.**

Hosea 11:8; Yesaya 49:15,16; & Yesaya 41:13,14

**Lukas 12:32 Ikau tau sike'deka, teako mallakki! Nasaba' sannangi
pa'mai'Na Jehovata'ala assareko barakka' battu ri PamarentahanNa.**

**Matius 28:20 Ajaraki ke'nanga anggaukangi sikontu le'baka Kupassuroang
ri kau ngaseng. Na u'rangimi angkanaya IaniakKa' anrurungangko
sa'genna kala'busang jammanga.**

**Yohanes 14:1 Nakana Isa ri ke'nanga, "Teako lussaki ri atinnu. Tappa'
mako mae ri Jehovata'ala, siagang tappa' tommako mae ri Nakke.**

**Pammuji 23:1 - Yohanes 10:11 INakkemi pakalawaki bajika. Ia pakalawaki
bajika, napassareangi nyawana untu' katallassanna gimbala'na ngaseng.**

**Pammuji 23:2 - Napappicinikang 7:17 nasaba' anjo Ana' Gimbala'
ammempoa ri tangnga-tangngana anjo empoang kala'biranga la'jari
pakalawaki mae ri ke'nanga. Lanirurungangi ke'nanga mae ri timbuseng
je'ne' assarea katallassang. Na Jehovata'ala lassapui sikamma je'ne'
matanna ke'nanga.**

**Pammuji 23:3,4 - Lukas 1:79 kammaminjo na Nasingari sikontu taua niaka
lalang ri sassang siagang kamallakkang. Nauluki' mange ri oloang
a'lampa mangea ri kabajikanga.**

**Pammuji 23:5,6 - 2 Korintus 1:10 ami le'baka ampasalamaki ikambe battu ri
bahaya lompona anjo kamateanga. Kammayatomba la tommi sallang
lampasalamaki ikambe ri allo-allo labattua. Nasaba' lami panrannuanna
ikambe.**

**Filipi 4:7 Na laminjo Jehovata'ala takkullea napahang akkala'na rupataua,
lassareko katallassang salewangang; siagang langkatutui nyawanu
siagang pikkirannu le'bakamo asse're siagang Isa Almasi.**

**Panggebarang 3:24 & Pammuji 4:8 - Yohanes 14:27 Kubolikang mako
kasalewangang. Kasalewangang battua ri KalengKu Kupassareang mae
ri kau. Na anjo apa Kupassareanga mae ri kau, tasangkammayai apa
napassareanga linoa mae ri kau. Teako lussaki pa'mai'nu, siagang teako
mallakki.**

**Pammuji 33:18 - 1 Petrus 3:12 Nasaba' tuli Naparhatikangi Batara tau
anturukiai ero'Na, tuli Napilangngeri pappala' doanganna ke'nanga;
mingka Nabaliangi sikamma tau anggaukangai kaja'dallanga.**

**Roma 5:2 Nasaba' tappa' maki' mae ri Isa Almasi, nisare maki' pakkulle
ampahang bajiki pangngamaseanNa Jehovata'ala, siagang lanri iaminjo
pangngamaseanga nakiattallasa' kamma-kamma anne. Lanri
kammaminjo narannumo pa'maitta, nasaba' nia'mo panrannuanta
angkanaya akkullei nikasia' mate'nea, laNapassareanga Jehovata'ala!**

**Yesaya 55:12 - Lukas 19:40 Appialimi Isa Nakana, "Patappaki angkanaya:
punna a'mereki ke'nanga, la'gora-gorai anne batu-batua."**

**Yohanes 16:22 Kamma tominjo ri kau ngaseng: kamma-kamma anne
susai nyawanu, mingka lasibuntulu' poleang jaki' sallang, jari la'jari**

**rannumi nyawanu. Na tenanniaakka tau lakkulle angngallei anjo
karannuanga battu ri nyawanu.**

**Lukas 12:9 Mingka inai-nai assassala' ri dallekanna tau jaia angkanaya
amminawangi ri Nakke, lanisassali tongi sallang ri Ana' Ma'rupataua ri
dallekanna malaeka'-malaeka'Na Jehovata'ala.**

Matius 10:30 Siapa jaina uu'nu irate ri ulunnu, le'ba' bilang ngasemmi.

**Yesaya 54:10 - Matius 24:35 Lalanynyaki langika siagang linoa, mingka tuli
lania'na kana-kanangKu satunggu-tungguna.**

**Matius 11:28-30 Battu ngaseng mako mae ri Nakke ikau tau posoa siagang
tau battalaka erangnganna; laKupakabajiki pakkasia'nu. 29
Amminawang mako ri parentaKu, siagang appilajara' mako ri Nakke.
Nasaba' inakke baji' pa'maikKa' siagang sa'barakKa'. Jari lasannammi
nusa'ring. 30 Nasaba' lanukarannuangi apa Kupassuroanga, siagang
laringangi nusa'ring apa Kupappieranganga ri kau.**

Salomo 2:10 & Hosea 2:14,19,20

**2 Korintus 11:2 Nakkuka' mae ri kau ngaseng, sangkamma KalenNa
Jehovata'ala nakku' tongi mae ri kau ngaseng. Sanrapangko se're tulolo,
le'bakamo kujanji lakupa'nikka siagang sitau bura'ne, iamintu Almasi.**

**Exodus 3:14 - Ibrani 13:8 Tuli kammana Isa Almasi, baji' na riolo, kamma-
kamma anne, siagang sa'genna satunggu-tungguna.**

**Hosea 13:4 - Tunisuro 4:12 Lalang bawang ri Isa nakkulle nipasalama'
rupataua. Nasaba' ri sikontu anne linoa, tenanniaakka se're tau le'ba'
nisare koasa ri Jehovata'ala untu' ampasalamakki', pantaranganna Isa
Almasi."**

**Yohanes 15:14 Ikau ngasemmi antu passari'battangangKu, punna
nugaukangi apa Kuparentakanga ri kau.**

**Yohanes 14:6 Appialimi Isa Nakana, "INakkemi oloanga untu' angngassengi
Jehovata'ala, siagang untu' anggappai katallassanga. Tenanniaakka tau
akkulle battu mae ri Manggea punna tena nangngolo ri Nakke.**

**Napappicinikang 3:20 Ciniki! NiakKa' ammenteng ri dallekang pakke'bu'
siagang akkatto' pakke'bu'. Punna nia' allangngereki sa'rangKu,
nanasungkeangA' pakke'bu', lantamakKa' ambuntuli;
lasipangnganreangA' siagang ia, siagang lasipangnganreangi siagang
iNakke.**